

Namzningz Si “Riengz Gou Hag Sawcuengh” Banbeizyin Geiz Daihngleih Swnhleih Haiban

南宁市“跟我学壮文”第2期培训班顺利开班

□ bonjbauq gicej Moz Beibei/莫蓓蓓

Vih swnjcienz caeuq fatyienz minzczuz vwnzva, henhoh gij gienzleih saujsu minzczuz hagsib、sawjyung caeuq hwnghat saw vah minzczuz bonjfaenh, laebhwnj gij saedcej vahgangj lai cungj lai yiengh, 10 nyied 22 hauh banhaet, Namzningz Si Minzcunghvej、Namzningz Si Minzyijvej caeuq Namzningz Sinhvwnzvangj、Cinghsiu Gih Minzcunghgiz (Minzyijgiz) itheij banh geiz daihngleih “riengz gou hag Sawcuengh” beizyinbanh youq Namzningz swnhleih haiban.

Lauxsae maenh’ ak daeuj son-yinx yozyenz cozgeq cungj gangj ndei.

Aen beizyinbanh neix hai ngoenz ndeu, cienzbouh mbouj aeu cienz, faen baenz banhaet caeuq banringzgvaq song dangz goq, miz 60 lai boux yozyenz daj Namzningz gak yienhgi daeuj camgya. Dangzgoq banhaet dwg Cungguk Minzczuz Yijvwnz Fanhyizgiz hoizsaemj Gvanh Swgingh caeuq Guengjsae Sam Nyied Sam Cazcise cungbien、hoizsaemj Ciz Siengzcouh hwnjdangz. Gij conghyah gangjavah feihdauh ndeimaetz, gyoengq yozyenz dingq ndaej gig nyinhcaen.

Laj gorungz sing fwen yiengi yinx ndaej gyoengqvunz daeuj

ngonzyawj.

Banringzgvaq youq Guengjsae Vwnzvuyen son eu fwen, Swcigih Minzyijvej gventaengz lingjdauj daeuj yienzdieg cijdauj. De gujli bouxcoz aeu coh bangeq hagsib, ciepswnj caeuq hwnghat gij conzungj Bouxcuengh maij eu fwen, hai bak eu fwen. Bouxvunz Namzningz Si Minzcunghvej、Guengjsae Minzgenh Vwnzyi’ gyah Hezvei Yisuzdonz hix camgya hozdung, Sing dig caeuq sing fwen youq laj gorungz mbinyag, ciuyinx gyoengqvunz daeuj ngonz.

Beizyinbanh gaxgonq guh ndaej ndei geiz neix vunz rim hix aeu daeuj.

Dingqnaez geiz daih’it banbeizyin 8 nyied 23 hauh youq Vujmingz haiban, gyoengq yozyenz ndiepgyaez dangqmaz. Aenvih geiz daih’it guh ndaej ndei, geiz daihngleih yae haiban couh ndaej daengz gyoengqvunz gak fueng dawz haeuj sim, yienzlaiz giva aeu 50 boux doeklaeng cix miz 60 lai boux vunz bauqmingz.

Namzningz Si Minzcunghvej

bouxfucwz naeuz, yienznaeuz Namzningz Si youq gij gunghcoz doihengz sawjyung Sawcuengh miz itdingh cingzcik, hoeng lij miz haujlai gunghcoz yae bae guh. Laebguh ban beizyin “riengz gou hag Sawcuengh”, mboujdan ndaej hawj caezgya engq rox Sawcuengh, gamjdaengz gij gyaundeiz Bouxcuengh vwnzva, caemhcai doiq doihengz sawjyung Sawcuengh、hwnghoengh caeuq hwnghat gij vwnzva minzczuz、doidoengh minzczuz doxgiet hix miz cizgiz cozyung.



▲Gvanh Swgingh hoizsaemj cingq hwnjdangz.



▲Youq laj gorungz caez eu fwen.

Bouxcuengh Vwnzva Hezvei Veiyenz Doxraen Caeuq Daihngleih Gaiq Gansw Sedonz Venjbaiz Yizsi

壮族文化协会会员见面会暨第二届干事社团挂牌仪式



▲ Daihngleih Gaiq Gansw Sedonz Venjbaiz Yizsi youq aen yozyen neix gawjhengz.

10 nyied 16 hauh gyanghaemh, Gvangjsih Swghan Yozyen Bouxcuengh Vwnzva Hezvei veiyenz doxraen caeuq daihngleih gaiq gansw sedonz venjbaiz Yizsi, youq aen yozyen neix Cangzgangh yangih gawjhengz. Yozyen dangjvej fusuhgi Lingz Sihyinz、fujdaujyenz Veiz Dungh lauxsae、fwnhdonzvej daih’it fusuhgi Vangz Ciginz、gak aen sedonz daiqbiuj、2016 gaep daengxcungq Bouxcuengh

Vwnzva Hezvei gansw caeuq gak boux veiyenz camgya.

Aen hoih neix haidaeuz sien dwg youz bouxcujciz gangj Bouxcuengh Vwnzva Hezvei baenzlawz laebbaenz, baenzlawz fazcanj, seizneix dwg yienghlawz, gak aen bumwnz guh gijmaz hong. Riengzlaeng, bouxcujciz yiengq gak boux veiyenz moq baijok Bouxcuengh Vwnzva Hezvei sedonz hozdung lai cungj lai yiengh caeuq gij mbawsiengq ndei gak bumwnz vejyenz, hawj gyoengq vejyenz moq doiq Bouxcuengh Vwnzva Hezvei roxyiuj engq lai. Ciep roengzdaeuj, veicangj、fuveicangj gangjavah caeuq gansw moq Vangz Ginhyinh doengzhag daiqbiuj gangjavah. Aen hoih doxraen neix cungdenj dwg guh venjbaiz yizsi. Youz Lingz Sihyinz fusuhgi caeuq Veiz Dungh lauxsae vih 2016 gaep Bouxcuengh Vwnzva Hezvei gansw faenfat le ganswcwng.

Doeklaeng, cienzbouh vunz hab’ingj louzniemh.

(Vangz Yingjiz/黄颖怡 Cau Yangz-meiz/赵杨梅)

Lozcwngz Buek Daih’it Hohgungz-hoj Angq Ndaej Singzgi Ranzmoq

罗城：首批贫困户喜获城区新房

10 nyied 21 hauh, Lozcwngz Mulaujcu Swciyen buek daih’it fuzbinz senjdieg laujiangh gyahyenz——Lozcwngz Mbanjfunghvungz senjdieg gizyouq siujgih geiz daih’it ranzyouq souciem yizsi youq ndaw Yienh Hingzcwng Vei Cungsam gawjhengz. 349 hoh hab gij diuzgienh hohgungzhoj senjdieg buenranz haenx doenggvaq couciem cungj fuengsik neix, nyinhdingh aen ranzmoq bonjfaenh youq Mbanjfunghvungz senjdieg gizyouq siujgih gij diegyouq de.

(Mungz Cwnghsw/ 蒙增师)



▲ Gyoengq hohgungzhoj baizdui couciem ndaej ranzhauh angqfwngfwng.